

## WOMU GE GA DOBU BO

Ka Heberum ba tire te sokawa Womu ge ga dobu bo. Kurɔ ka durɔn kīrun gariya ta mɔ.

Yuuba ba tire ten gari weesinawa ka kīi te Gusunɔ u win tɔmbu Isireliba kīa. Ma naane dokeobu ba maa tu weesina ka kīi te Yesu Kirisi u win yigberu kīa.

### *Tire ten kpunaa*

1. Womu 1, wiru 1.1n di sere wiru 2.7.
2. Womu 2, wiru 2.8-17.
3. Womu 3, wiru 3.1n di sere wiru 5.1.
4. Womu 4, wiru 5.2n di sere wiru 6.3.
5. Womu 5, wiru 6.4n di sere wiru 7.11.
6. Womu 6, wiru 7.12n di sere wiru 8.5a.
7. Womu 7, wiru 8.5b-14.

<sup>1</sup> Womu ge ga dobu bo wee. Salomɔɔwa ga ka yã.

### *Kurɔ ka durɔn faagi*

*Kurɔ u nɛɛ,*

<sup>2</sup> a man sɔsuo ka wunen tiin nɔɔ.

Domi wunen kīrun kookoosu su tam dobu kere.

<sup>3</sup> Wunen wani yi nuburu do.

A sãawa nge turare ye ya pusa.

Yen sɔna wɔndiaba ba nun kī.

<sup>4</sup> A man tii gawema kpa su nun naa swīi ka duka.

A sãawa nen sunɔ, a ka man doo wunen wãa yerɔ.

Wunen saabuwa sa nuku dobu mɔ.

Wunen kīru ta tam dobu kere.

Ba gem mɔ be ba nun kī.

<sup>5</sup> Yerusalemun wɔndiaba, i swaa dakio i nɔ.

Na tīri, adama na sãa kurɔ burɔ.

Na tīri nge Kedaan kuu bekuruginu,

adama na wāwa nge beku karenu ni nu wāa  
Salomān sina kpaarō.

<sup>6</sup> I ku man gēm yèn sō na tīri.

Sōwa u man kua mε.

Nen sesubu ba ka man mōru kua.

Ba man kua ben reseem dāa gbaarun kōso.

Adama na n̄ nen tiigiru kōsu.

<sup>7</sup> A man sōwō nen kīnasi mi a ra wunen sabenu  
kpare,

ka mi a ra de nu sō sure.

Kpa na kun maa sirene wunen berusebun sabenun  
suunu sō.

*Yāa kparoba nεε,*

<sup>8</sup> wunε wi a tən kurabu kpuro buram kere,

à kun yam mi yē, a doo a yāa gōn yira swī.

Kpa a wunen bonu kpara kparobun wāa yerun  
boku.

*Durō u nεε,*

<sup>9</sup> nen kīnasi, a ka dum nia weene

ye ya Egibitin sunan tabu keke gawamō.

<sup>10</sup> Wunen bura yānu nu ra de wunen baanu nu man  
wēre.

Wunen wīra ka goonu wā.

*Yāa kparoba nεε,*

<sup>11</sup> sa ko nun saba kua ye ya wura ka sii geesu menne.

*Kurō u nεε,*

<sup>12</sup> sanam mε sina boko u sō ka wigibu,

nen turaren nubura pusa.

<sup>13</sup> Nen kīnasi u nuburu dowā nge turare ye ba mō  
miru,

ye ya sure nen tororō.

<sup>14</sup> Nen kīnasi u sāwa nge dāa wēε burasu.

Su ra kpiwa reseem dāa gbaarō Engedio.

*Durō u nεε,*

15 nɛn kɪnasi, a sãawa kurɔ burɔ.  
Wunɛn nɔni yi ballimɔ nge waa bakagii.

*Kurɔ u nɛɛ,*

16 nɛn kɪnasi, a sãawa durɔ burɔ,  
wuna a man wẽre.

Bɛsɛn kpin yeru ta ko n nɔɔ nɛ nge yaka bekusu.

17 Dãa ye ba mɔ sɛduru, yera ba ka bɛsɛn dirun dãa  
mwaanatia kua.

Ma ba ten yari kua ka dãa ye ba mɔ sipɛrɛ.

## 2

1 Nɛna na sãa nge gunarun biibii ye ya kpia tem  
tɛɛraɔ.

Na maa sãa nge yakasun biibii ye ya wãa wɔwaaɔ.

*Durɔ u nɛɛ,*

2 à n nɛn kɪnasi wa win wɔndia kpaasibun wuurɔ,  
u ra n sãawa nge biibii ye ya wãa sãkin suunu sɔɔ.

*Kurɔ u nɛɛ,*

3 à n nɛn kɪnasi wa aluwaasiban suunu sɔɔ,  
u sãawa nge dãa te ba mɔ pɔmie dãnun suunu sɔɔ  
tɛn marum mu dibu do.

Na ra kã na n sɔ win saarɔ.

4 U ka man da mi ba ra tɔɔ baka dɪanu di.

Ma u man nɛnua ka kɪru.

5 Wee kɪra man barɔ kua.

A man dam kɛ ka kira duronu, ka pɔmien marum.

6 Na kɪ na n nɛn wiru sɔndi win nɔm dwareɔ,  
kpa win nɔm geu gu man bɔkasi.

*Durɔ u nɛɛ,*

7 bɛɛ Yerusalemun wɔndiaba, na bɛɛ sɔɔmɔ  
ka yɛɛ kpiki ka nennun yĩsinu,

i ku nɛn kɪnasi yamia saa ye u n̄ kɪ u se.

*Durɔ u wee*

*Kurɔ u nɛɛ,*

8 na nɛn kɪnasin nɔɔ nɔɔmɔ.

Wɔɔ u guunu sarikiramɔ u wee.

<sup>9</sup> U sãawa nge yaa kpiku ñ kun me nge gini kpɛma.

Wi wee dirun biruɔ,

u man mɛɛrima fɛnɛntin di.

<sup>10</sup> Ma u ka man gari kua u nɛɛ,

a seewo nɛn kɪnasi, kurɔ burɔ, a na.

<sup>11</sup> Wee puran saa ya doona,

ma gura ya yɔra.\*

<sup>12</sup> Biibii ya kpia yam kpuro.

Sa gunɔ bwese bwesekan swĩi nɔɔmɔ.

Kparukonun swĩi yi nɔɔra besen tem sɔɔ.

<sup>13</sup> Dãa te ba mɔ figie ta marum torumɔ,

ma resem tɔkan wɛsun nubura pusa.

A seewo, a na nɛn kɪnasi, kurɔ burɔ,

<sup>14</sup> wunɛ wi a sãa nge sãkusã ye ya wãa kpee baa sɔɔ  
ya kukua.

A man wunen wuswaa sɔɔsio.

A de n wunen nɔɔ nɔ.

Domɪ wunen dɔkɔra nɔɔbu do.

Mɛya maa wunen wuswaa ra man wɛre.

*Kurɔn mɛro u nɛɛ,*

<sup>15</sup> i sun demaku binu mwɛɛrio

ni nu besen resem gbaaru sankumɔ saa ye ya wɛsu  
sãa.

*Kurɔ u nɛɛ,*

<sup>16</sup> nɛn kɪnasi u sãawa nɛgii,

na maa sãa wigii.

U win sabenu kparamɔ yakasun biibiin suunu sɔɔ.

<sup>17</sup> A de a gɔsira, nɛn kɪnasi, a n wãa guunu wɔllo

a n sãa nge yaa kpiku ñ kun me nge gini kpɛma,  
sere sɔɔ u ka du saaru tu kpɛa.

---

\* **2:11** gura ya yɔra - Isireliban temɔ, puran saa gura ra nɛ.

*Kurɔ u ka win kɩnasi dosimɔ*  
*Kurɔ u nɛɛ,*

### 3

<sup>1</sup> wɔ̄ku girira na kpɩ nɛn kpɩn yeru wɔ̄llɔ.

Na kasu wi nɛn gɔ̄ru ga kɩ.

Adama na n̄ n̄n wa.

<sup>2</sup> N n mɛn na, kon sewa n bɔsu wuu sɔɔ,  
 gen swɛɛɔ ka gen yaburɔ na n kasu wi nɛn gɔ̄ru ga  
 kɩ.

Na n̄n kasu kasu, adama na n̄ n̄n wa.

<sup>3</sup> Ye wuu gen kɔ̄soba bɔsu ba wuu mɛɛrimɔ, ba man  
 wa,

ma na bu bikia na nɛɛ, i nɛn kɩnasi wa?

<sup>4</sup> Ye na bu deri kese, yera na nɛn kɩnasi wi wa.

Na n̄n sɛre, na n̄ n̄n yɔ̄su

sere na ka n̄n da nɛn mɛro wi u man maran dirɔ.

<sup>5</sup> Bɛɛ Yerusalemun wɔ̄ndiaba,  
 na bɛɛ sɔ̄mɔ ka yɛɛ kpiki ka nennun yɩsinu,  
 i ku nɛn kɩnasi yamia saa ye u n̄ kɩ u se.

*Kurɔ u nɛɛ,*

<sup>6</sup> wara u saram wee gbaburun di mɛni nge wii tɩa.

U turare ye ba m̄ miru ka turare dɛkagia bwese  
 bwese kan nuburu mɔ.

<sup>7</sup> Salomɔ̄n kpɩn yera ba sɔ̄wa ba ka wee,

Isireliban tabu durɔ dangibu wata ba n̄n swɩ ba  
 wɩa gɔn gɔnka.

<sup>8</sup> Be kpuro ba ka takobi sannɔ yɛ.

Ba sɩawa tabu durɔbu.

Ben baawure u win takobi beki win yɛsɔ̄

u ka sɔ̄ru sɩa baa yiberɛba b̄ n kurama wɔ̄kuru.

<sup>9</sup> Sina boko Salomɔ̄ u dera ba n̄n amakɛn kitaru  
 kua ka d̄a ye ba ka na Libanin di.

<sup>10</sup> Ma ba ten suatian dɛki kua ka sii geesu.

Ba maa ten gballitia kua ka wura.

Ba ten sin yerun leferi beku wunəmgiru wukiri  
 te Yerusalemun wəndiaba ba buraru kua kīrun sō.  
 11 I yarima bæ Siənin wəndiaba, i sina boko  
 Saloməə wa.  
 U win furə doke ge win mero nùn dokea saa ye u  
 kurə kpaaru kua.  
 Dəma te, u wāa nuku dobu sōə.  
*Durə u nəe,*

## 4

1 a sāawa kurə burə, nən kīnasi.  
 Wunen nəni yi ballimə nge waa bakagii wunen  
 sənditian wērin di.  
 Wunen seri yi sāa nge boo wuuru te ta saramamə  
 Galadīn guuru wəllun di.  
 2 Wunen donnu nu buriri nge yāa nìn sansu ba  
 bəəra nu nim nərūm wee.  
 Nu maa nəə nəwa swēe swēe, nìn gara kun kande.  
 3 Wunen nəə ga swēriwa nge tom,  
 ma ga waabu wā.  
 Wunen baanu nu balliməwa nge dire sənsəm bia  
 wunen sənditian wērin di.  
 4 Wunen wīira wāwa nge Dafidin dii bwereku gagu  
 mi ba ra tabu yānu bere.  
 Wunen saban bataniba ba sāa nge tabu yāa ni ba  
 bwē mi.  
 5 Wunen bwāsu sāa nge yaa kpikun binu yiru ni nu  
 yakasu dimə biibiin suunu sōə.  
 6 Sere sōə u ka du saaru tu kpēa,  
 kon da guuru wəllə mi turare ye ba mē miru ka  
 turare dekagia ya wāa.  
 7 A sāawa kurə burə, nən kīnasi.  
 A n̄ bau gagu mə.  
 8 A na su doona saa Libanin guunun di

ka Seniri ka Heeməon guurun di  
 mi gbee sinansu ka musuku yambarosu ra n wãa.  
 9 Beseñ nōni yì n yinna, ñ kun me nà n wunen saban  
 batani tia wa,  
 wunen kīra ra nen gōru kpuro mwewa, nen sesu,  
 nen kurɔ.  
 10 Wunen kīru ta nuku dobu mə nen sesu, nen kurɔ.  
 Wunen kīru ta tam dobu kere.  
 Meya maa wunen turaren nuburu ta do ta turare  
 kpuro kere.  
 11 Wunen nəə ga sōsubu do nge tim bau.  
 Tim ka bom mu wãa wunen nəə səə.  
 Wunen yānu nu nuburu dowā nge dāa te ba mə  
 seduru Libaniɔ.  
 12 A sāawa nge dāa gbaaru te ba kara koosi, nen  
 sesu, nen kurɔ.  
 A sāawa nge dəkɔ ye ba kenua, ñ kun me nge bwia  
 ye ba mara.  
 13 Wunen nim mu dāa gbaarun dānu yēkamə.  
 Nin binu ni ba sokumə gerenadi nu do too.  
 Meya lalle ka naadi ya maa kpia mi,  
 14 ka safarani, ka yaka si su nuburu do, ka kaneli,  
 ka dāa ni ba ra ka turare dekagia ko, ka miru, ka  
 aloesi,  
 ka sere yaka si su nuburu do bu bo kpuro.  
 15 Wunen a sāawa nge dāa gbaarun dəkɔ  
 ñ kun me nge bwia ye ya nim sumə  
 me mu wee saa Libanin guunun di.  
*Kurɔ u nee,*  
 16 sōə yēsi yēsikan wosu,  
 i seewo i nen dāa gbaarun dānu kō,  
 kpa nin nuburu duroru tu yari kpuro.  
 I de nen kīnasi u du win dāa gbaaru səə  
 kpa u yen dāa bii geenu di.

*Durɔ u wee*  
*Durɔ u nɛɛ,*

## 5

<sup>1</sup> na dua nɛn dāa gbaaru sɔɔ,  
nɛn sesu, nɛn kurɔ.  
Na nɛn turare ye ba m̀ mirun dāa yorimɔ ka kiki si  
su nuburu do.  
Na nɛn tim baun tim dimɔ.  
Na nɛn tam ka nɛn bom n̄rumɔ.  
*Yerusalemun w̄ndiaba ba nɛɛ,*  
i dio, bɛɛ be i k̄ianɛ.  
I n̄ruo kpa i n k̄iru barɔ.

*Kurɔ u gambo wukia*

*adama n dākuru kua*

*Kurɔ u nɛɛ,*

<sup>2</sup> na d̀ adama nɛn bw̄ra ya n̄ kp̄i.  
Na ka nɛn k̄inasi dosimɔ u gambo soomɔ.

*Durɔ u nɛɛ,*

a man kenio, nɛn sesu, nɛn k̄inasi.  
Wunɛ wi a s̄aa nge s̄akus̄a, a yiba.  
Nɛn wira nikerera.  
Ma nɛn seri nim s̄ɛra.

*Kurɔ u nɛɛ,*

<sup>3</sup> wee na nɛn yaberu pota.

Kon maa kp̄i n se n tu sebe?

Na nɛn k̄ori kpakia kɔ, yera kon maa se n yi disinu  
ko?

<sup>4</sup> Yera nɛn k̄inasi wi, u win n̄mu kp̄ɛma gambon  
wem di,

ma nɛn bw̄ra wur̄a win mi.

<sup>5</sup> Na seewa n ka n̄n kenia.

Turare ye ba m̀ miru ya d̄akumɔ nɛn n̄man di  
gambon nenutia sɔɔ.

<sup>6</sup> Na nɛn k̄inasi kenia,



adama na deema u doona.

Nen bwēra raa wura win mi, sanam me na win nō  
nua.

Na nūn kasu kasu, na n̄ nūn wa.

Na nūn soka, u n̄ wure.

<sup>7</sup>Wuu gen kōsobu ba ka man yinna.

Ba man so ba mēera kua.

Be ba gbāraru kōsu, ba nen sōnditia mwa.

<sup>8</sup>Bēe Yerusalemun wōndiaba, na bēe kanamō,

i n nen kīnasi wa, i nūn sōwō win kīra man barō  
kua.

*Yerusalemun wōndiaba ba nēe,*

<sup>9</sup>wunε wi a kurōbu kpuro buram kere,

mba wunen kīnasi wi, u mō ye goo kun mō a ka sun  
sōmō mε.

*Kurō u nēe,*

<sup>10</sup>nen kīnasi, tōn swāwā, win wuswaa ballimō.

Tōmbu nōrōbun suba wākuru (10.000) sō, wiya kaa  
waabu gbi.

<sup>11</sup>Win wuswaa ya ballimō nge wura gea.

Win seri yi tīriwa nge gunō mōran sansu.

<sup>12</sup>Win nōni yi sāawa nge waa bakagii ye ya wāa  
daarō.

Win nōni kpiki yi sāawa nge bom bekum.

Nōni yi, yi ka kpee gobiginu weenε ni ba doke taabu  
sō.

<sup>13</sup>Win baanū nu wāwa nge turare bii yi yi kpiibu  
wee.

Win nō ga sāawa nge biibii yèn min di turare ya  
dāakumō.

<sup>14</sup>Win nōma ya ka wuran suma weenε ye ba kpee  
gobiginu dokea.

Win wasi yi wōru nge suunu don te ba wōriasia  
ba buraru koosi ka kpee buranu ni nu nōni boogu  
mō.

15 Win kōri yi s̄awa nge gbere yiru ye ba kua ka kpee kpikiru.

Ma ba ye gira wura gean wallo.

À n nùn m̄era, u s̄awa nge Libanin d̄a ni ba m̄ò seduru.

16 Win n̄on gari do.

Wi s̄ora nen bw̄era ra n w̄a mam mam.

B̄e Yerusalemun w̄andiaba, me nen b̄ora k̄nasi wi, u s̄awa mi.

*Yerusalemun w̄andiaba ba n̄e,*

## 6

1 mana wunen k̄nasi wi, u da, wun̄e wi a kur̄bu kpuro buram kere. Bera mana u gere, kpa su ka nun wi kasu.

*Kur̄ u n̄e,*

2 nen k̄nasi u dawa win d̄a gbaar̄, mi turare bii w̄a yi yi kpiibu wee, u ka win sabenu kpara kpa u biibii b̄ori.

3 Na s̄awa nen k̄nasigii, ma u maa s̄a n̄gii. U win sabenu kparam̄o biibiin suunu s̄o.

*Nge me kur̄ win wasi s̄a*

*Dur̄ u n̄e,*

4 a girima m̄o nge wuu ge ba m̄ò Tirisa.

Nen k̄nasi, a w̄a nge Yerusalemu.

A nanum m̄o nge tabu s̄ia ka yen gidi b̄ora.

5 A ku maa man m̄eri.

Dom̄i wunen n̄oni yi nen k̄ru seeyam̄o.

Wunen seri yi s̄a nge boo wuuru

te ta saramam̄o Galadin guurun w̄ollun di.

6 Wunen donnu nu buriri nge ȳa n̄in sansu ba b̄ora

nu nim n̄orum wee, nu maa n̄o n̄ewa sw̄e sw̄e, nin gara kun kande.

7 Wunen baanu nu ballimawa nge dire sɔnsɔm bia  
wunen sɔnditian wɛrin di.

8 Sinanibun geera sɔawa wata,  
sina kurabu maa wɛnɛ.  
Wɔndiaban geera kun nɔru mɔ be.

9 Adama nen kɔnasi wi, u n̄ bau mɔ,  
u sɔawa nenɛm be sɔɔ.  
U sɔawa win mɛron bii wɔndia teereru te u kɔ too.  
Wɔndia be ba n̄n wa, ba nɛɛ,  
u sɔawa domarugii.

Sinanibu ka ban sina kurabu ba maa n̄n siara ba  
nɛɛ,

10 wara u yarimam wee nge buruku sɔɔ.

Wara u wɔ mɛ nge suru.

Wara u ballimɔ nge sɔɔ.

U nanum mɔ nge tabu sɔa ka yen gidi bɔra.

11 Na da dɔa gbaarɔ mi dɔa marum wɔa,  
n ka wa yakasu s̄n n̄ kpia wɔwɔa,  
kpa n wa resɛm tɔka yà n̄ kpara,  
kpa n maa wa dɔa te ba mɔ gerenadi t̄a n̄ wɛsu sɔa.

12 Na n̄ ka baaru nen bwɛra man sua,  
ya man doke nen tɔmbun tabu kɛkɛban suunu sɔɔ  
yi dumi gawe.

*Kurabu ka wɔndiaba ba nɛɛ,*

## 7

1 a gɔsirama, a gɔsirama, Sunɛmun bii,  
a gɔsirama su nun mɛri.

Mban sɔna i nɛ Sunɛmun bii mɛera  
nge wi u yaamɔ tɔn wuunu yirun baa sɔɔ.

*Duro u nɛɛ,*

2 wɔndia bɛɛregii, wunen naasu su wɔ salubata sɔɔ.

Wunen pɔra ya wɔwa nge saba.

Wi u ye kua mɔmɔn tiiwa.

3 Wunen bwĩirun gira yera sãawa bwerere nge  
noran nɔɔ  
ye ya ku ra tam kpe.

Wunen bɔsɔ ga swɛri nge alikama ye ba ka biibii  
sikerene.

4 Wunen bwãsu sãawa nge yaa kpikun binu yiru.

5 Wunen wĩiru ta buririwa nge suunu donnu.

Wunen nɔni yi dɛɛrewa nge Hesibonin yeru  
si su wãa wuu bɔkɔ gen kɔnnɔn bɔkuɔ.

Wunen wɛru ta dɛndewa mam mam nge Libanin  
kɔsu yeru

te ta Damasi mɛera.

6 Wunen wira suarewa nge guu te ba mɔ Kaameli.

Ma wunen tara ya ballimɔ nge beku gobigiru  
sere ya sina bokon bwɛra kpuro mwa.

7 Wunen buram banda, a man wɛre too.

Wune sɔɔra nen kĩru kpuro wãa.

8 Wunen wasi yi dɛndewa nge kpakpa bãa.

Wunen bwãsu su sãawa nge dãa marum swaaru.

9 Na nɛɛ, kon kpakpa yɔwa kpa n yen marum nenɛ.

Wunen bwãsu su sãawa nge resɛm swaaru.

Wunen wɛsiaru ta nuburu do nge dãa marum mɛ  
ba mɔ pɔmu.

10 Nà n nun sɔsu, na ra n nuku dobu mɔ nge wi u  
tam durom nɔra.

*Kurɔ u nɛɛ,*

tam mɛ, mu kokuo nen kĩnasin sɔ  
mu du win nɔɔ sɔɔ ù n dweeyamɔ.

11 Na sãawa nen kĩnasigii,

ma win kĩru kpuro wãa nɛ sɔɔ.

*Kĩana sɔɔra nuku doba wãa*

*Kurɔ u nɛɛ,*

12 nen kĩnasi, a yarima su da baru kpaanɔ kpa sa n  
wãa mi.

13 Bururu sa ko se su da dāa gbaarə,  
 su wa resem tōka ka dāa te ba m̀  
 gerenadi yà n kpare ya w̄esu s̄aa.  
 Miya kon nun k̄iru s̄asi.

14 Dāa te ba m̀ mandaragore ta ten turare yēkamə.  
 B̄esen yenu k̄onnəwə, sa dāa marum kpuro m̄ me  
 mu dobu bo,  
 ginakugim ka gisaku gegim.  
 Na me kpuro yii wunen s̄ n̄en k̄inasi.

## 8

1 À n daa s̄aa n̄en sesu m̄ero turosi, kon ka nun  
 yinna t̄əwə,

kpa n nun b̄okasi, goo kun maa man gemm̄ə.

2 Kon ka nun da n̄en m̄eron yenuə

kpa a man bwisi k̄ē.

Kon nun tam nubu durorugim w̄ē

m̄e na kua ka dāa bii ni ba m̀ gerenadi.

3 Na k̄i na n n̄en wiru s̄andi win n̄əm d̄warə,

kpa win n̄əm geu gu man b̄okasi.

4 B̄ee Yerusalemun w̄ondiaba, na b̄ee s̄əomə,

i ku n̄en k̄inasi yamia saa ye u n̄ k̄i u se.

*W̄ondiaba ba n̄ee,*

5 wara u wee gbaburun di u win k̄inasi gballi.

*K̄irun dam*

*Kurə u n̄ee,*

na nun yamia dāa saarə wunen yenun b̄akuə,

mi wunen m̄ero u wunen gura sua u nun mara.

6 A de n̄e turon gari yi n w̄aa wunen ḡəruə.

A de a n̄e turo b̄okasi.

Domi k̄iru ta dam m̄əwa nge ḡəw̄.

Nisinu nu maa s̄awa ḡaa ḡəbunu nge ḡəribun w̄aa  
 yeru.

Nin dam mu s̄awa nge d̄əw̄ yari.

Yinni Gusunən min diya yi wee.

<sup>7</sup> Nim wōkun nim ka mən kpāaru mu n̄ kpē mu  
kīrun dōo go.

Meya maa daanun nim yiburu ta n̄ kpē tu kīi te  
wukiri.

Tōnu wi u win dukia kpuro wē bu ka n̄n kīan sō,  
u n̄ kīi te wasi.

Yen kōkōrō, ba koo n̄n gēmwa.

*Kurən sesubu ba nē,*

<sup>8</sup> sa sesu piibu mō wi u kun gina bwāa kpia.

Amōna sa ko n̄n kua sanam mē ba n̄n kīan na.

<sup>9</sup> U n sāa nge gbāraru,

sa ko tu tāsisiawa ka sii geesu.

U n maa sāa nge kōnnō,

sa ko ge kōrewa ka dāa ye ba mō sedurun gambo.

*Kurō u nē,*

<sup>10</sup> na sāawa nge gbāraru,

ma nēn bwāa ya sāa nge wuu kōsobun wāa yeru.

Nēn kīnasi u yē ma na bōri yendu mō win mi.

*Durō u nē,*

<sup>11</sup> Salomōo u resēm tōkan gbaaru mō Baali  
Hamōōwō.

Ma u gbaa te kōsobu nōmu sōndia.

Ben baawure u ra ka sii geesun gobi nōrōbu (1.000)  
nēwa

bu sere gbaa ten marum sōri.

<sup>12</sup> Salomōo u win sii geesun gobi nōrōbu (1.000) suo  
u n mō,

kpa u win gbaa kōsobu yen goobu (200) wē.

Nēna na nēn tiin resēm gbaaru mō,

ma na tu kōsu.

<sup>13</sup> A de n wunen nōo nō nēn kīnasi,

wunē wi a ra n wāa dāa gbaaru sōo.

Kpaasiba kī bu gu nɔ.

*Kurɔ u nɛɛ,*

<sup>14</sup> a wasi suo nɛn kīnasi,

kpa a n sã nge yaa kpiku ñ kun mɛ nge gini kpɛma  
ye ya wãa guuru wɔllɔ mi yaka nubu durorugisu  
wãa.

**Luda yá takada kú Bisá yáo**  
**Portions of the Holy Bible in the Busa language of**  
**Nigeria**

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

---

PDF generated using Haiola and XeLaTeX on 11 Nov 2022 from source files dated 9 Oct 2020

8631d380-7d17-5581-abf9-174814e8ccc3